



Inatsisartunut ilaasortaq Siverth K. Heilmann, Atassut
Inatsisartunut ilaasortaq Knud Kristiansen, Atassut

**Kineserit Kalaallit Nunaannik soqutiginninnerat pillugu Naalakkersuisunut
apeqquteqaammut nr. 078 – 2012-imut akissuteqaat.**

27. marts 2012
Sagsnr. 2012-063422
Dok. Nr. 854505

Inatsisartut suleriaasianni § 37, imm. 1 naapertorlugu, kineserit Kalaallit Nunaannik
soqutiginninnerat pillugu Naalakkersuisunut apeqquteqaateqarpusi. Apeqqut uanga
suliaqarfinit akineqartussanngorlugu innersuunneqarpoq.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

**Kineserit Kalaallit Nunaannik soqutiginninnerujussuat Naalakkersuisut qanoq
maluginiartigivaat / malinnaaffigitigivaat?**

Kalaallit Nunaanni aningaasaliissuteqarnissamut nunatsinnillu niueqateqarnissamut
nunanit allanit soqutiginninneq takutinneqartoq – Kinamit soqutiginninneq
takutinneqartoq ilanngullugu – Naalakkersuisut maluginiarlugulu malinnaaffigigaat
ilumoortoq oqaatigisinnaavara.

Nammineerlunga Kina november 2011-mi tikeraarpara, nunallu taakku marluk
suleqatigiinnissamut periarfissaat qaffaseqisumik inissisimasunik
oqaloqatigiissutigissallugu periarfissaqarsimallunga. Maluginiarpara Kalaallit Nunaanni
aatsitassarsiornermut tunngasunut aningaasaliissuteqarnissaq Kinamit aallaavittut
soqutigineqartoq.

Suliniutit aalajangersimasut naammaginantumik akilersinnaassuseqarnissaat allatigullu
soqutiginaateqarnissaat taamatut nunat tamat akornanneersut
aningaasaliissuteqarnissaannut soorunami piumasaqaataavoq.

Piumasaqaatinut sinaakkusiussat inuussutissarsiornikkut annertuumik
ingerlataqarnissamut suliniutinut aningaasaliissuteqartut sulinerminni
sinaakkutigisinnaasaat paasiniarlugit Naalakkersuisut sulissutigaat. Tamatumunnga
atatillugu maluginiaqqussavara Kalaallit Nunaanni inuussutissarsiornikkut annertuumik
suliniutit piviusunngortinnissaannut sinaakkusiussamik piumasaqaatit pillugit nassuiaat
pillugu Inatsisartut oqallinnissaat.

Ilanngullugu oqaatigisinnaavara issittoq pillugu ilisimatusaqatigiinnik, Kalaallit Nunaat
ilanngullugu taamaallaat sumiiffinnik Issittumiittunik qitiutitsisussanik pilersitsinissaq
kineserit tungaanit suliniutigineqalereermat. Suleqatigiit taakku Kinami nunap
pissusianik misissuivimmut atatillugit pilersinneqarput. Aammattaaq aatsitassanik
pisiortortutut soqutiginninnini Kinap Kalaallit Nunaannut takutippaa.

Kinami oqartussaasunik oqaloqateqartarnerup, ilaatigut 2011-mi Kinamut angalaninni pilersinneqartup ingerlateqqiinnarnissaa Naalakkersuisut siunertaraat. Kineserit Issittumi suliniutigiligaannut atatillugu ammasumik oqaloqatigiittarnissaq kalaallit tungaannit pingaartitarineruarput.

Inussiarnersumik inuulluaqqusillunga
Med venlig hilsen

A handwritten signature in black ink, appearing to read 'Ove Karl Berthelsen', with a large, sweeping flourish at the end.

Ove Karl Berthelsen